

গণপ্রজাতন্ত্রী বাংলাদেশ সরকার
জেলা প্রশাসকের কার্যালয়, ময়মনসিংহ।
(স্থানীয় সরকার শাখা)

ময়মনসিংহ জেলার ফুলপুর উপজেলাধীন ৫নং ফুলপুর ইউনিয়ন পরিষদ অফিস পরিদর্শন প্রতিবেদন।

পরিদর্শনকারী কর্মকর্তার নাম ও পদবী : মোঃ সফিকুল ইসলাম
উপপরিচালক
স্থানীয় সরকার, ময়মনসিংহ

পরিদর্শনের তারিখ : ১০/০৪/২০২৩ খ্রিঃ।

পরিদর্শনের সময় : বেলা - ১২.০০ ঘটিকা।

স্থানীয় সরকার বিভাগ মহাপরিচালকের দপ্তর	
১) যুগ্মসচিব (পরিঃ অধিঃ-১)	১) পরিকল্পনা-১/২/৩
২) যুগ্মসচিব (পরিঃ অধিঃ-২)	২) মনিটরিং-১/২/৩
৩) যুগ্মসচিব (মও মু)	৩) মূল্যায়ন-১/২/৩
৪) পরিচালক-১	৪) পরিদর্শন
৫) পরিচালক-২	
ডায়েরী নং.....	
তারিখঃ.....	

১০/০৪/২০২৩ খ্রিঃ তারিখ ফুলপুর উপজেলাধীন ৫নং ফুলপুর ইউনিয়ন পরিষদ পরিদর্শন করা হয়। পরিদর্শন কালে উপজেলা নির্বাহী অফিসার, ফুলপুর, ইউপি চেয়ারম্যান, ইউপি সচিব, ইউপি সদস্যবৃন্দ, উদ্যোক্তা ও গ্রাম পুলিশগণ উপস্থিত ছিলেন।

০১। অবস্থান পরিচিতি :

ময়মনসিংহ- হালুয়াঘাট মহাসড়ক হয়ে ফুলপুর উপজেলা সদর হতে ছনকান্দা বাজার হয়ে ৩ কি.মি. উত্তরে নওয়া গ্রামে ৫নং ফুলপুর ইউনিয়ন পরিষদ অবস্থিত। অত্র ইউনিয়ন পরিষদের নতুন কমপ্লেক্স ভবন নির্মিত হয়েছে। উক্ত কমপ্লেক্স ভবনেই বর্তমান পরিষদের কার্যক্রম পরিচালিত হচ্ছে।

২। এক নজরে ৫নং ফুলপুর ইউনিয়ন পরিষদ :

আয়তন	:	২২.৩০ বর্গ কি.মি.।
লোক সংখ্যা	:	৩৮৩৫০ জন (২০১১ সালের আদমশুমারী অনুযায়ী)।
খানা	:	৭৮৬৫ টি।
মৌজা	:	২০ টি।
গ্রাম	:	১৬ টি।
উচ্চ বিদ্যালয়	:	০২ টি।
সরকারী প্রাথমিক বিদ্যালয়	:	০৭ টি।
বেসরকারী প্রাথমিক বিদ্যালয়	:	০২ টি।
শিক্ষার হার	:	৪০.৫০%।
পাকা রাস্তা	:	১০ কি.মি।
মসজিদ	:	৫৫ টি।
মন্দির	:	০৭ টি।
ঈদগাহ মাঠ	:	২৭ টি।
কবর স্থান	:	১২ টি।
শাশান	:	০৭ টি।
ক্রীড়া ও পেশাজীবী সংগঠন	:	০৮ টি।
এনজিও	:	০৭ টি।

৩। জনবল কাঠামোঃ

এ ইউনিয়ন পরিষদে অনুমোদিত পদের বিপরীতে কর্মরত কর্মকর্তা/কর্মচারী নিম্নরূপ :

ক্রমিক নং	পদবী	মঞ্জুরীকৃত পদ	কর্মরত পদ	শূন্য পদ
০১	ইউপি সচিব	০১	০১	--
০২	দফাদার	০১	--	০১
০৩	মহল্লাদার	০৯	০৫	০৪

মন্তব্যঃ বিধি মোতাবেক দফাদার/মহল্লাদারের শূন্য পদ পূরণের প্রয়োজনীয় ব্যবস্থা গ্রহণের জন্য উপজেলা নির্বাহী অফিসার ও চেয়ারম্যানকে অনুরোধ করা হল এবং চাকুরীর খতিয়ান বহি হালনাগাদ করার জন্য ইউপি সচিবকে অনুরোধ করা হল।

স্থাসবিঃ মনিটরিং-৩ শাখা

ডায়েরী নং- ১৪২
তারিখ- ২৮/০৪/২৩

স্থানীয় সরকার বিভাগ
প্রাপ্তির তারিখঃ.....
নম্বর..... ১৬৪৭

(চলমান পাতা/ ০১)

০৪। অফিস ব্যবস্থাপনাঃ

অত্র ইউনিয়ন পরিষদ কার্যালয় নিয়মিত খোলা ও চালু রাখা হয় এবং জাতীয় পতাকা উত্তোলন কর হয়। চেয়ারম্যান নিয়মিত অফিস করেন ও বিভিন্ন সভায় নিয়মিত উপস্থিত থাকেন মর্মে ইউপি সচিব জানান।

মন্তব্যঃ অফিস ব্যবস্থাপনা ভাল। অফিস ব্যবস্থাপনায় আরো মনোযোগী হওয়ার জন্য ইউপি সচিবকে পরামর্শ দেয়া হলো। পরিষদে আগত সেবা গ্রহিতাদের মাফ ব্যবহার নিশ্চিতকরণের জন্য ইউপি চেয়ারম্যান/সদস্যগণ ও ইউপি সচিবকে পরামর্শ দেয়া হলো।

০৫। নথি ব্যবস্থাপনাঃ

৫নং ফুলপুর ইউনিয়ন পরিষদের নথি ব্যবস্থাপনার মান ভাল। সচিব ও গ্রাম পুলিশগণের পৃথক নথি খোলা আছে এবং চাকুরীর খতিয়ান বহি হালনাগাদ আছে।

মন্তব্যঃ সরকারী চিঠিপত্র প্রাপ্তির সাথে সাথে নথির মাধ্যমে উপস্থাপন করে নিষ্পত্তি করার জন্য ইউপি সচিবকে পরামর্শ প্রদান করা হলো।

০৬। রেজিস্টার সমূহঃ

(ক) পত্র প্রাপ্তি ও পত্র জারি রেজিস্টারঃ

অত্র পরিষদে ব্যবহৃত পত্র প্রাপ্তি ও পত্র জারি রেজিস্টার দেখলাম। পত্র প্রাপ্তি ও পত্র জারি রেজিস্টার প্রত্যয়ন করা আছে। পত্র প্রাপ্তি রেজিস্টারে দেখা যায় যে, ০১/০১/২০২৩ হতে ১০/০৪/২০২৩ তারিখ পর্যন্ত ০৭টি পত্র এন্ট্রি আছে। পত্র জারি রেজিস্টারে ০৫ টি পত্র জারি আছে।

মন্তব্যঃ বিভিন্ন দপ্তর/ কার্যালয় হতে প্রাপ্ত সকল পত্র প্রাপ্তি রেজিস্টারে এন্ট্রি করে বিধি মোতাবেক কার্যক্রম গ্রহণের জন্য ইউপি সচিবকে নির্দেশ দেয়া হলো।

(খ) গার্ড ফাইলঃ

গার্ড ফাইলটি দেখলাম। প্রত্যয়ন করা আছে। পরীক্ষান্তে দেখা যায়, বিভিন্ন সময়ে জারিকৃত পরিপত্র/সার্কুলার গার্ড ফাইলে সংরক্ষণ করা হচ্ছে।

মন্তব্যঃ সরকারী গুরুত্বপূর্ণ চিঠি / পরিপত্র ক্রমানুসারে বিধি মোতাবেক গার্ড ফাইলে আরো যত্ন সহকারে সংরক্ষণ করার জন্য ইউপি সচিবকে পরামর্শ দেয়া হলো।

(গ) গ্রাম আদালতঃ

৫নং ফুলপুর ইউনিয়ন পরিষদে নিয়মিতভাবে গ্রাম আদালত পরিচালিত হয় মর্মে ইউপি চেয়ারম্যান জানান। পূর্বে অনিষ্পন্ন মামলার সংখ্যা ০৫টি। ১০ এপ্রিল, ২০২৩ মাসে দায়েরকৃত ০১টি মামলাসহ মোট মামলার সংখ্যা ০৬টি। তন্মধ্যে ০৩ টি মামলা নিষ্পত্তি করা হয়েছে এবং ০৩টি মামলা চলমান/পেন্ডিং রয়েছে। সপ্তাহে প্রতি শনিবার গ্রাম আদালত পরিচালিত হয় মর্মে চেয়ারম্যান জানান।

মন্তব্যঃ গ্রাম আদালতে বিধি মোতাবেক মামলা গ্রহণ ও নিষ্পত্তি করার জন্য ইউপি চেয়ারম্যান/সদস্যগণকে অনুরোধ করা হলো।

(ঘ) ট্রেড লাইসেন্স রেজিস্টারঃ

ট্রেড লাইসেন্স রেজিস্টারটি দেখলাম, পৃষ্ঠানম্বরসহ প্রত্যয়ন করা আছে। ২০২২-২০২৩ অর্থবছরে মোট ৭৬টি ট্রেড লাইসেন্স ইস্যু করা হয়েছে। লাইসেন্স ফি বাবদ ১৫,২০০/- টাকা আদায় করা হয়েছে। আদায়কৃত অর্থ বিধিমোতাবেক সংশ্লিষ্ট ব্যাংক হিসাবে জমা করে পরিষদের নিজস্ব খাতে ব্যয় করা হয়েছে মর্মে ইউপি সচিব জানান।

মন্তব্যঃ লাইসেন্স প্রদানের ক্ষেত্রে লাইসেন্স ফি বাবদ আদায়কৃত টাকা ব্যাংকে জমা করে বিধি মোতাবেক খরচ করার জন্য চেয়ারম্যান ও ইউপি সচিবকে পরামর্শ প্রদান করা হলো।

(ঙ) এসেসমেন্ট রেজিস্টারঃ

এসেসমেন্ট রেজিস্টারটি দেখলাম। পৃষ্ঠানম্বরসহ প্রত্যয়ন করা আছে। পরীক্ষান্তে দেখা যায় যে, ২০২২-২০২৩ অর্থবছরে মডেল ট্যাক্স সিডিউল মোতাবেক এসেসমেন্ট করা হয়েছে। এসেসমেন্ট মোতাবেক মোট খানার সংখ্যা ৭৮৬৫ টি এবং বার্ষিক মোট ধার্যকৃত ট্যাক্স ৩৪১৩৫০/- টাকা। ২০২২-২০২৩ অর্থ বছরে বকেয়াসহ হাল দাবি ৪২৮৯০২/- টাকা এবং চলতি অর্থবছরে ১০/০৪/২০২৩ তারিখ পর্যন্ত আদায় হয়েছে ৬০৪৪৩/- টাকা। উক্ত অর্থ দ্বারা ইউপির নিজস্ব খাতে ব্যয় করা হয়েছে মর্মে ইউপি চেয়ারম্যান জানান।

মন্তব্যঃ পরিষদের নিজস্ব আয় বৃদ্ধিকল্পে শতভাগ ট্যাক্স আদায়পূর্বক সংশ্লিষ্ট ব্যাংক হিসাবে জমা করতে হবে এবং ওয়ারিশান সনদ, নাগরিকত্ব সনদ, ট্রেড লাইসেন্স, জন্ম ও মৃত্যু নিবন্ধনসহ পরিষদ কর্তৃক অন্যান্য সেবা প্রদান কালীন সময় সেবা গ্রহিতার ট্যাক্স পরিশোধ রয়েছে কি না; সে বিষয়টি নিশ্চিতকরণের জন্য ইউপি সচিবকে পরামর্শ প্রদান করা হলো

(চলমান পাতা...../৩)

কর নিরূপন ও আদায় বিষয়ক স্থায়ী কমিটিসহ সকল কমিটির নিয়মিত সভা আহ্বান এবং ইউনিয়ন পরিষদের রাজস্ব আদায় বৃদ্ধির লক্ষ্যে ইউনিয়ন পরিষদসমূহকে নির্দেশনা প্রদানের জন্য উপজেলা নির্বাহী অফিসার, ফুলপুরকে অনুরোধ করা হলো। তাছাড়া তাঁর আওতাধীন সকল ইউপি চেয়ারম্যান, ইউপি সদস্য ও ইউপি সচিবের সমন্বয়ে শতভাগ ট্যাক্স আদায়, স্থায়ী কমিটি সচল আছে কিনা, গ্রাম আদালত কার্যক্রম ও জন্ম-মৃত্যু নিবন্ধনের অগ্রগতি বিষয়ে মতবিনিময় সভা করার জন্যও অনুরোধ করা হলো।

(চ) ক্যাশ বহিঃ

ইউনিয়ন পরিষদের সাধারণ ক্যাশ বহি পরীক্ষা করা হলো। পৃষ্ঠানম্বরসহ প্রত্যয়ন করা আছে। উক্ত ক্যাশবহিতে ট্যাক্স ও ট্রেড লাইসেন্স ফি বাবদ আদায়কৃত অর্থ জমা করা হয় এবং ০৯/০৪/২০২৩ মাস পর্যন্ত ক্যাশবহি লিখা আছে। সকল লেনদেন ব্যাংকের মাধ্যমে করা হয় মর্মে ক্যাশ বহি দৃষ্টে দেখা যায়। ব্যাংকে স্থিতি ১৯০১/- টাকা মাত্র। যা ব্যাংক বিবরণীর সাথে মিল রয়েছে।

মন্তব্যঃ ইউনিয়ন পরিষদের বিভিন্ন খাতে আদায়কৃত টাকা ব্যাংকে জমা করে ইউপি সভার সিদ্ধান্ত ও বিধি মোতাবেক খরচ করার জন্য ইউপি চেয়ারম্যান এবং সচিবকে অনুরোধ করা হলো।

০৭। স্ট্যান্ডিং কমিটিঃ

এ ইউনিয়ন পরিষদে সরকারী পরিপত্র মোতাবেক স্ট্যান্ডিং কমিটি গঠন করা হয়েছে। স্ট্যান্ডিং কমিটির নথিপত্র পর্যবেক্ষণ করা হলো। পরীক্ষান্তে দেখা যায়, স্ট্যান্ডিং কমিটি সমূহের সভা নিয়মিত অনুষ্ঠিত হয়নি। সরকারী পরিপত্র মোতাবেক স্ট্যান্ডিং কমিটির সকল সভা অনুষ্ঠানের ব্যবস্থা গ্রহণ করতে হবে এবং উক্ত সভার কার্যবিবরণীর সিদ্ধান্তসমূহ বাস্তবায়নের নিমিত্ত ইউনিয়ন পরিষদের সাধারণ সভায় আলোচনার জন্য প্রেরণ করতে হবে।

মন্তব্যঃ সরকারী পরিপত্র মোতাবেক স্ট্যান্ডিং কমিটির সকল সভা নিয়মিতভাবে অনুষ্ঠানের ব্যবস্থা গ্রহণ করতে হবে এবং কার্যবিবরণীর সিদ্ধান্তসমূহ বাস্তবায়নের নিমিত্ত ইউনিয়ন পরিষদের সাধারণ সভায় আলোচনার জন্য প্রেরণ করতে হবে। তাছাড়া ইউনিয়ন উন্নয়ন সমন্বয় কমিটির সভা ও পরিপত্রের আলোকে গঠিত অন্যান্য সকল কমিটিসমূহের সভা নিয়মিত করা ও সিদ্ধান্ত গ্রহণের জন্য ইউপি চেয়ারম্যান/সদস্যগণ ও সচিবকে নির্দেশ দেয়া হলো।

০৮। ইউপি বাজেটঃ

২০২২-২০২৩ অর্থ বছরের বাজেট দেখলাম। উনুজ সভার মাধ্যমে ১৭৯১৩৪২৮/- টাকার বাজেট ঘোষণা করা হয় এবং ইউপি সভায় অনুমোদন সাপেক্ষে যথাযথ কর্তৃপক্ষের বরাবরে বাজেটের অনুলিপি প্রেরণ করা হয়েছে মর্মে ইউপি সচিব জানান।

মন্তব্যঃ ২০২২-২০২৩ অর্থ বছরের বাজেট অনুযায়ী সকল আয়-ব্যয় সম্পাদন করার জন্য ইউপি চেয়ারম্যান ও ইউপি সচিবকে অনুরোধ করা হলো।

০৯। স্বাবর সম্পত্তি হস্তান্তর কর ১% অর্থ দ্বারা গৃহীত প্রকল্পের তথ্যঃ

৫নং ফুলপুর ইউনিয়ন পরিষদের স্বাবর সম্পত্তি হস্তান্তর কর ১% এর বরাদ্দ সংক্রান্ত নথিটি দেখলাম। পরীক্ষান্তে দেখা যায়, ২০২২-২০২৩ অর্থ বছরে ১% এর বরাদ্দ বাবদ অত্র পরিষদে মোট ৪০০০০০/- টাকা বরাদ্দ প্রদান করা হয়েছে মর্মে ইউপি সচিব জানান। উক্ত বরাদ্দ দ্বারা অত্র ইউনিয়নের বিভিন্ন আশ্রয়ন প্রকল্পের রাস্তা ও ৬নং ওয়ার্ডের শিলপুর ফকির বাড়ীর রাস্তা সংস্কার করা হয়েছে মর্মে ইউপি চেয়ারম্যান জানান।

মন্তব্যঃ স্বাবর সম্পত্তি হস্তান্তর কর ১% এর বরাদ্দ দ্বারা বিধি মোতাবেক প্রকল্প গ্রহণ ও প্রকল্প বাস্তবায়ন কাজ যথাযথভাবে সম্পন্ন করতে হবে এবং সম্পন্নকৃত প্রকল্পের নথিপত্র সংরক্ষণের জন্য ইউপি সচিবকে নির্দেশ প্রদান করা হলো।

১০। এডিপিঃ এডিপি বরাদ্দ সংক্রান্ত নথিটি দেখলাম। ২০২২-২০২৩ অর্থ বছরে এডিপি খাতে ১,০০,০০০/-টাকা বরাদ্দ প্রদান করা হয় এবং উক্ত বরাদ্দের অনুকূলে গৃহীত প্রকল্পের কাজ প্রক্রিয়াধীন রয়েছে মর্মে ইউপি চেয়ারম্যান জানান। উল্লেখ্য, এডিপি প্রকল্পের তদারকী ও অর্থ ছাড় প্রক্রিয়া উপজেলা প্রকৌশলীর কার্যালয় হতে সম্পাদিত হয় মর্মে ইউপি সচিব জানান।

মন্তব্যঃ ২০২২-২০২৩ অর্থ বছরের এডিপির বরাদ্দ দ্বারা বিধি মোতাবেক প্রকল্প গ্রহণ ও বাস্তবায়নের জন্য অনুরোধ করা হলো।

১১। এলজিএসপি-৩ঃ

এলজিএসপি-৩ সংক্রান্ত নথিটি দেখলাম। নথি দৃষ্টে দেখা যায়, অত্র ইউনিয়নে ২০২২-২০২৩ অর্থ বছরে ১ম কিস্তি ১০২১৮৬/ টাকা ও ২য় কিস্তি ৪৫৫৩২৩/- টাকাসহ সর্বমোট ৫৫৭৫০৯/-টাকা বরাদ্দ প্রদান করা হয়। উক্ত বরাদ্দ দ্বারা ০২টি প্রকল্প গ্রহণ করে যথাযথ ভাবে বাস্তবায়ন করা হয়েছে মর্মে ইউপি চেয়ারম্যান জানান।

মন্তব্যঃ এলজিএসপি-৩ এর অর্থ দ্বারা গৃহীত ও বাস্তবায়িত প্রকল্পের বিল ভাউচার নথিতে সংরক্ষণ করার জন্য ইউপি সচিবকে নির্দেশ প্রদান করা হলো।

১২। ইউনিয়ন ডিজিটাল সেন্টার :

এ ইউনিয়ন পরিষদে ডিজিটাল সেন্টারের কার্যক্রম চালু রয়েছে। তথ্য ও সেবা কেন্দ্র স্থাপনের মূল লক্ষ্য তথ্য প্রযুক্তির মাধ্যমে জনগণের দোরগোড়ায় সেবা পৌঁছে দেয়া, যাতে সকল সেবা স্বল্পমূল্যে পেতে পারে তার লক্ষ্যে ইউনিয়ন ডিজিটাল সেন্টারের মাধ্যমে সেবা প্রদান করা হচ্ছে মর্মে ইউপি চেয়ারম্যান জানান।

মন্তব্য : ইউনিয়ন ডিজিটাল সেন্টারটি যাতে আরও সুন্দরভাবে চলে এবং একই জায়গা থেকে জনগণ যাতে সকল সেবা স্বল্পমূল্যে পেতে পারে, সে জন্য ইউনিয়ন ডিজিটাল সেন্টারের পরিচালকগণকে সার্বিক সহযোগিতা করার জন্য ইউপি চেয়ারম্যান ও ইউপি সচিবকে অনুরোধ করা হলো। তাছাড়া ইউনিয়ন ডিজিটাল সেন্টারের দৈনিক আয় ব্যয়ের প্রতিবেদন নিয়মিত প্রেরণ করার জন্য পরিচালকগণকে অনুরোধ করা হলো।


১৩। জন্ম নিবন্ধনঃ

অত্র পরিষদের জন্ম নিবন্ধন ক্যাশ বহি ও রেজিস্টার দেখলাম। এ পরিষদে রশিদমূলে সরকার নির্ধারিত হারে জন্ম নিবন্ধনের ফি আদায় ও সরকারী কোষাগারে জমা দেয়া হয়। ক্যাশ বহি দৃষ্টে দেখা যায়, ২০২২-২০২৩ অর্থ বছরের ০৯/০৪/২০২৩ তারিখ পর্যন্ত জন্ম নিবন্ধন ফি বাবদ আদায়কৃত ১২৯৯০০/- টাকা। আদায়কৃত অর্থ চালানোর মাধ্যমে সরকারী কোষাগারে জমা করা হয়েছে (যা চালানোর সাথে মিল রয়েছে)। তাছাড়া অত্র ইউনিয়নে এ পর্যন্ত জন্ম নিবন্ধনের সংখ্যা ৪৫১৮২ জন এবং মৃত্যু নিবন্ধনের সংখ্যা ৯৭০ জন। মার্চ/২০২৩ মাসে ০-৪৫ দিন বয়সের জন্মনিবন্ধন ২৫টি, ৪৬-৩৬৫ দিন বয়সের জন্মনিবন্ধন ০৪টি এবং ১০,এপ্রিল ২০২৩ তারিখ পর্যন্ত ০-৪৫ দিন বয়সের জন্মনিবন্ধন ২৮টি, ৪৬-৩৬৫ দিন বয়সের ০৩টি এবং মার্চ, ২০২৩ তারিখ পর্যন্ত ০-৪৫ দিন বয়সের মৃত্যুনিবন্ধন ১৫টি, ৪৬-৩৬৫ দিন বয়সের ০২টি।

মন্তব্যঃ জন্ম ও মৃত্যুর ৪৫ দিনের মধ্যে প্রত্যাশিত নিবন্ধন সম্পন্ন করতে হবে এবং জন্ম-মৃত্যু নিবন্ধন বিধিমালা ২০১৮ যথাযথ ভাবে অনুসরণপূর্বক জন্ম ও মৃত্যু নিবন্ধন করার জন্য ইউপি চেয়ারম্যানকে অনুরোধ করা হলো।

১৪। সাধারণ মন্তব্যঃ

- ক. পরিষদের নিজস্ব আয় বৃদ্ধিকল্পে শতভাগ ট্যাক্স আদায় নিশ্চিত করার প্রয়োজনীয় ব্যবস্থা গ্রহণের জন্য ইউপি চেয়ারম্যান ও ইউপি সদস্যগণকে অনুরোধ করা হলো।
- খ. বিধি মোতাবেক গ্রাম আদালত পরিচালনার জন্য ইউপি চেয়ারম্যান/সদস্যগণকে অনুরোধ করা হলো।
- গ. সরকারী পরিপত্র মোতাবেক স্ট্যান্ডিং কমিটির সভাসমূহ নিয়মিত অনুষ্ঠানের জন্য ইউপি চেয়ারম্যান ও সচিবকে অনুরোধ করা হলো।
- ঘ. সামাজিক সুরক্ষা নিশ্চিতকরণে ইউনিয়ন পরিষদে আগত সেবাহীতাদের আবশ্যিকভাবে মাস্ক ব্যবহারের ব্যবস্থা গ্রহণের জন্য অনুরোধ করা হলো।


(মোঃ সাফিকুলা ইসলাম)
উপসচিব

উপপরিচালক, স্থানীয় সরকার
জেলা প্রশাসকের কার্যালয়, ময়মনসিংহ।
ফোন : ০২৯৯৬৬৬৪৩৫১
e-mail : ddlgmymen@gmail.com

স্মারক নং- ০৫.৪৫.৬১০০.০১৫.৩৩.০১৪.২৩-২৯৯/১(৭)


তারিখঃ ২৫/০৪/২০২৩ খ্রি।

অনুলিপিঃ সদয় অবগতির জন্য-

- ০১। সচিব, স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ০২। বিভাগীয় কমিশনার, ময়মনসিংহ বিভাগ, ময়মনসিংহ।
- ০৩। পরিচালক, স্থানীয় সরকার, ময়মনসিংহ বিভাগ, ময়মনসিংহ।

অনুলিপিঃ জ্ঞাতার্থে /কার্যার্থে-

- ০৪। উপজেলা নির্বাহী অফিসার, ফুলপুর, ময়মনসিংহ।
- ০৫। সহকারী কমিশনার (গোপনীয়), জেলা প্রশাসক মহোদয়ের সদয় অবগতির জন্য।
- ০৬। চেয়ারম্যান, ৫নং ফুলপুর ইউনিয়ন পরিষদ, ফুলপুর, ময়মনসিংহ।


উপপরিচালক
স্থানীয় সরকার, ময়মনসিংহ।